

Cuius medietatem possident monachi et octauam partem residue medietatis quam emit jdem abbas de ærinfridhi, jn principali vero medietate que dicitur anaarua vbi monachi possident integrum bol et dimidium eidem abbati uendidimus nos omnes partes nostras, scilicet Gudmundus, Atto Ceterique excepta quarta parte de vno bol quam possidet Gyurdo, jn hilda arvafiardhong, Cuius integram terciam partem primo possident monachi, Nos de duabus reliquis videlicet hælgho et johannes Ceterique, excepta quarta parte dictarum duarum parcium quam possident Gyurdo, Eskillus et dominus beno, predicto abbati vendidimus omnes partes nostras, in skærfsiorýd, sed nihil in starflohult nisi krunungabol, jtem in kutungafiardhong, Cuius medietatem leuant ipsi kutungi et medietatem, bildungi Nos haquinus hæmingus Ceterique sepedicto abbati vendidimus omnes partes nostras, excepta quarta parte quam possident Edlinga, et sexta parte dictarum reliquarum trium parcium quam possidet beno, jtem partes hæmingi in skærfsiorýd, de dicta quarta que attinet Edhlingis et partes petri et alterius petri ibidem in vtroque, jtem in kutungahalffiardhong eidem abbati vendidimus nos omnes partes nostras, scilicet petrus et heredes Gunnolphi Ceterique excepta quarta parte vnus bol que attinet Gregorio et tercia parte que attinet Thýrnero, jn quorum euidenciam nobiles viros, scilicet dominum haquinum prepositum et Attonem Throtason, qui huic nostre recognicioni presentes affuerunt Rogauimus presentes sigillare, jn testimonium veritatis, Actum anno domini M° CCC° XII°, quarta dominica post pascha.

*På fränsidan.* Starflohult scarfsiorydh.

Sigillen skadade.

1846.

1312 den 28 April.

Bergsättra.

Erengsle Jonssons enka, CECILIA JOARSDOTTER, bortbyter sina gods i Björk till Biskop Brynolf i Skara, mot hans gods på ön Fulu.

Orig. på perg. i Kongl. Bibl.

Omnibus presens scriptum cernentibus,, CECILIA JOARS DOTTER relicta Aringisli joonsson,, salutem jn domino sempiternam,, Notum facio per presentes, Me cum venerabili patre domino bryniulpho episcopo scarensi permutacionem quandam prediorum fecisse per hunc modum, videlicet quod ego recepi ab eo omnia predia sua jn insula fulu cum coloniis ac ceteris pertinenciis jntra sepes et extra, pro quibus refudi sibi omnia predia que jn biork habui, cum agris, pratis, piscariis, coloniis ac singulis pertinenciis

jutra sepes et extra, jure perpetuo possidenda,, Ne igitur super permutatione predicta aliqua possit in posterum dubietas suboriri, sigillum meum presentibus est appensum,, Datum biærgsætrum,, anno domini. Millesimo: Trecentesimo, duodecimo, Die beati vitalis martiris.

*På frånsidan: byork et fulæ.*

Sigillet bortfallet från den ur brefvet klippta remsan.

1847.

1312 den 2 Maj.

Vienne.

Påfven CLEMENS V meddelar Ärkebiskopen i Upsala och Biskoparne i Skara och Linköping under rättelse rörande ransakningen på kyrkomötet i Vienne om Tempelherrarnes förbrytelser och det derstädes fattade beslut, att deras orden skulle upphävas och deras gods öfverlemnas till Johanniter bröderna.

Hardouinus, Acta Concilior. et Epist. decr. VII: 1344.

CLEMENS episcopus servus servorum dei dilectis filiis archiepiscopo Upsalensi, et Scarensi ac Lincopensi episcopis. Ad providam Christi vicarii præsentis in specula Apostolicæ dignitatis circumspeditionem pertinet vices pensare temporum emergentium, negotiorum causas discutere, ac personarum attendere qualitates: ut ad singula debitum dirigens necessariæ considerationis intuitum, et opportune manum operationis apponens, de agro Domini sic vitiorum tribulos eruat, ut virtutes amplifcet; sic prævaricantium spinas tollat, ut evellendo plus plantet quam destruat; et in loca vacua per eradicationem nocentium tribulorum, devota Deo plantamina transferendo, potiore præbeat de provisa et utili eorum locorum unione et translatione lætitiæ, quam vera justitiæ, quæ compassionem habet, doloris intulerit detrimentum, personarum et locorum hujusmodi per ruinam. Sic enim sufferendo quod officit, et subrogando quod proficit, virtutum profectus amplificat, et sublata de medio meliori subrogatione restaurat. Dudum siquidem ordinem domus militiæ Templi Hierosolymitani, propter Magistrum, et fratres, ceterasque personas dicti ordinis in quibuslibet mundi partibus consistentes, variis et diversis non tam nefandis, quam infandis, proh dolor! errorum et scelerum obscenitatibus, pravitatibus, maculis, et labe respersos; quæ propter tristem et spurcidam eorum memoriam nostris litteris subteuimus, ejusdemque ordinis statum, habitum, atque nomen, non sine cordis amaritudine et dolore, sacro approbante concilio, non per modum diffinitivæ sententiæ, cum eam super hoc secundum inquisitiones, et processus super his habitos, non possemus ferre de jure; sed per viam provisionis, seu ordinationis